

## PAÑCA-GATI-DĪPANAM.

Namatthu || ||

- 1 Guṇino jitajeyyassa sammāññāvabhāsino ||  
paratthakārino niccaṁ tiloka garuno namo || ||
  - 2 Kāyādīhi kataṁ kammaṁ attanā yam subbāsubba[m] ||  
phalaṁ tass-eva bhuñjati kattā añño na vijjati || ||
  - 3 Iti mantvā dayāpanno tiloke kataru(*sic*) satthā ||  
hitāyāvoca sattānam kammuno yassa yapphalam || ||
  - 4 Tam vakkhāmi samāsena sutvā sambuddhabhāsitaṁ ||  
subham vā asubham kammaṁ kātum hātuñ ca vo dhunā ||
- ||

### I. NARAKA-KANDAM.

#### § 1. Aṭṭha māha-narakā.

- 5 Sañjīvo Kāḷasutto ca Saṅghāto Roruvo tathā ||  
Mahāroruvo Tapo ca Mahātapo ca Avīcayo || ||
- 6 Lobha-moha-bhaya-kkodhā ye narā pāṇaghātino ||  
vadhayitvāna hiṁsanti Sañjīvam yanti te dhuvam || ||
- 7 Samvaccharasahassāni bahūni pi hatā hatā ||  
sañjīvanti yato tattha tato Sañjīva-nāmako || ||
- 8 Mātā-pitu-suhajjādi-mitta-dosakarā narā ||  
pesuññāsaccavādā ca Kāḷasuttābhigāmino || ||
- 9 Kāḷasuttānusārena phālyante dāru va yato ||  
kakkaccehi jalantehi Kāḷasuttam tato mataṁ || ||
- 10 Ath-eḷaka-lingālādi-sas-ākhu-miga-sūkare ||  
hananti pāṇino 'ññe ca Saṅghātam yanti te narā || ||
- 11 Saṅghāṭā tattha ghāṭyante sammā hananato yato ||  
taśmā Saṅghāṭa-nāmena sammato nirayo ayam || ||

- 12 Kāya-mānasa-santāpaṁ ye karonti ha dehinam ||  
kuṭakāpamakā ye ca Roruvam yanti te narā || ||
- 13 tibbena vuṇhinā tattha dayhamānā nirantaram ||  
ghoram ravam vimuñcanti tasmā sa Roruvo mato || ||
- 14 Deva-dvija-guru-dabbam̄ hatam̄ yehi pi rakkhato ||  
te Mahāroruvam yanti ye ca nikkhepa-hārino || ||
- 15 Ghoratā vuṇhi-tāpassa ravassāpi mahattato ||  
Roruvo ti mahā tassa mahattam̄ Roruvo api || ||
- 16 Dāvādi-dahane dāham̄ dehinañ ca karoti yo ||  
so jalām jalane jantu tappate Tāpane rudam̄ || ||
- 17 Tibbam̄ tāpana-santāpam̄ tanoteva nirantaram ||  
yato tato ca lokasmiñ khyāto Tāpana-nāmako || ||
- 18 Dhammādhamma-vipallāsaṁ natthiko yo pakāsati ||  
santāpeti ca satte yo tappate sa Patāpane || ||
- 19 Patāpayati tattha te satte tibbena vuṇhinā ||  
tapanātisayenāyam̄ tasmā vutto Patāpano || ||
- 20 Katvā guṇādhike dosam̄ ghātayitvāna sāvake ||  
matā-pitu-garū-cāpi Avīcimhi bhavanti te || ||
- 21 Atṭhīni pi vilīyante tattha ghoraggitāpato ||  
yato na vīci sukhassa tenāvīcīti sammato || ||

Attha-mahānaraka || ||

§ 2. (*Nirayussadā*).

- 22 Nirayass-ekamekassa cattāro nirayussadā ||  
miļhakūpo kukkulo ca asipattavanam̄ nadī || ||
- 23 Mahānirayato sattā nikkhantā miļhakāsuyam̄ ||  
patanti ye te ghorehi kimivyūhehi vijjare || ||
- 24 Nikkhantā miļha-kūpamhā kukkule ca patanti te ||  
patitā tattha te sattā sāsapā viya paccare || ||
- 25 Kukkulamhā ca nikkhantā dume passanti sobhaṇe ||

- harite pattasampanne te upenti sukhaththino || ||
- 26 Tattha kākā ca gijjhā ca sunakh-oluka-sūkarā ||  
baka-kākādayo bhesmā lohatuṇḍā subheravā || ||
- 27 Te sabbe parivāretvā tesam mañṣāni khādare ||  
puna sañjātamamsā te uṭṭhahanti patanti ca || ||
- 28 Aññamaññaṁ vināsāya paharanti rāṇe ca ye ||  
pāpenāsinakhā te tu jāyante dukkhabhāgino || ||
- 29 Nakhā yevāsiyo tesam āyasā jalitā kharā ||  
teh-aññoññaṁ nikantanti yan-tenāsinakhā matā || ||
- 30 Lohajalita-tikkhattam soḷasaṅguli-kaṇṭhakam ||  
balenāropayanti tam simbalim pāradārikam || ||
- 31 Loha-dāṭhā mahākāyā jalitā bheravitthiyo ||  
tam āliṅgiya bhakkhanti paradārāpahārinam || ||
- 32 Āradante pi khādanti sā-gijjhē luka-vāyasā ||  
asipattavane chinne nare vissāsa-ghāṭino || ||
- 33 Ayo-gulāni bhuñjanti te tattāni punappunam ||  
pivanti kuṭṭhitam tambam ye paratthāpahāriṇo || ||
- 34 Soṇā bheravāyodāṭhā bhusam khadanti te nare ||  
vassagonam nadante pi ye sadā kheṭake ratā || ||
- 35 Macchādi jalaje hantvā jalitambadravodakam ||  
yanti Vetaraṇi[m] ghoram vuṇhinā ḍayhate ciram || ||
- 36 Lañcalobhena sammūlho yo voḥāram adhammikam ||  
karoti narake kaṇḍam so cakkena vihaññate || ||
- 37 Pilā bahuvidhākārā katā yehīdha dehinaṁ ||  
piṇḍenti te ciram tattā yanta-pabbata-muggarā || ||
- 38 Bhedakā dhamma-setunam ye cāsammagga-vādino ||  
khuradharā pi tam maggam gantvā kandanti te narā || ||
- 39 Nakha-cuṇṇita-yukādi kandanti ciram narā ||  
punappunam mahākāyamesaselehi cuṇṇitā || ||
- 40 Sīlam yo ca samādāya sammā no parirakkhati ||  
vilīyamānamamṣaṭṭhī kukkule paccate ciram || ||
- 41 Anunā pi yo-m-eko micchājīvena jīvati ||

- gūthamugge nimuggo so kimi-vyūhehi khajjate || ||
- 42 Disvāvīhi-majjha-gate pāñino cuṇṇayanti ye ||  
tatr-ayomusaleh-eva te cuṇṇanti punappunam || ||
- 43 Kururāccantakopanā sadā hiṁsarataṁ narā ||  
paradukkhaphahaṭṭhā ca jāyante Yama-rakkhasā || ||
- 44 Sabbesam eva dukkhānaṁ bhijjamuddhādi-bhedato ||  
kāya-vācādi pāpaṇam yaṁ tam daṇḍāpi na kāraye || ||

Naraka-kaṇḍam pathamam || ||

## II. TIRACCHĀNA-KANDAM.

- 45 Haṁsapārāpatādinaṁ khattānaṁ atirāginam ||  
jāyante yoniyam rāgā mūlhā kīṭādiyonisu || ||
- 46 Sappā kodhopanāhehi mānathaddhā mittādhipa ||  
atimānena jāyante gadrabhasonayonisu || ||
- 47 Maccherosuyako cāpi hoti vānara-jātiko ||  
mukharā capalālajjā jāyante kākayonisu || ||
- 48 Vadha-bandhana-middhāhi hatth-assa-mahisādinaṁ ||  
honti kurūra-kammantā sukā khajjara-vicchikā || ||
- 49 Vyaggha-majjara-gomāyu-accha-gijjha-vākādayo ||  
jāyante pecca maṇsadā kodhanā maccharā narā || ||
- 50 Dātāro kodhanā krūrā narā nāgā mahiddhikā ||  
bhavanti cāgino kodhā dappā ca garuḍissarā || ||
- 51 Katam yaṁ pāpakaṇam kammaṇam mānasādikanam attanā ||  
tiracchānesu jāyante || tena tam parivajjaye || ||

Tiracchāna-kaṇḍam dutiyam || ||

## III. PETA-KANDAM

(\\$ 1. *Peta*).

- 52 Khajjabhojjāpahattāro yehi utthāna-vajjītā ||  
bhavanti kuṇḍapāhārā petā te kaṭapūṭanā || ||
- 53 Viheṭhayanti ye bālē lobhena vañcayanti ca ||  
te pi gabbhamalāharā jāyante kaṭapūṭanā || ||
- 54 Hīnācārātihīnā ca maccharā niccalobhino ||  
ye narā pecca jāyanti petā te galakaṇṭakā || ||
- 55 Paradānam nisedheti na ca kiñci dadāti yo  
khuppi pāsika-peto so sūcivatto mahodaro || ||
- 56 Dhanam bhuñjati vāmsattham na bhuñjati na deti yo ||  
dattādāyī tato peto laddhabhogī sa jāyate || ||
- 57 Yo paratthāpahāriccho datvā c-ev-anutappati ||  
so gūtha-semha-vantānam peto jāyati bhakkako ||
- 58 Yo vadaty-appiyo kodhā vākyam ammāvaghataṇam ||  
bhavat-ukkāmukho peto so ciraṇ tena kammunā || ||
- 59 Kurūramānasō yo tv-a(m)dayo kalahakārako  
kimikīṭapaṭangādo peto so jotiko bhave || ||

(§ 2. *Kumbhaṇḍa*).

- 60 Gamakūṭo dadāty-eva yo dānam pīlayaty-api ||  
Kumbhaṇḍo vikatākārō pūjamāno so jāyate ||
- 61 Niddayo pāṇino hantvā bhakkhitum yo dadāti ca ||  
khajjabhojjāni so vassa labhate pecca Rakkhaso || ||
- 62 Gandha-mālā-ratā niccaṇam mandakodhā ca dāyakā ||  
Gandhabbā pecca jāyante devānam rativaddhanā || ||
- 63 Kodhano pisuno koci lobhatthaṇam yo payacchatī ||  
Pisāco dutṭhacitto so jāyate vikātānāno || ||
- 64 Niccappaduṭṭhā capalā parapīlakarā narā ||  
sampadānaratā niccaṇam Bhūtā pecca bhavanti te || ||
- 65 Ghorā kuddhā padātāro piyāsavasurā ca ye ||  
jāyante pecca Yakkhā te ghorāhārā surāpiyā || ||

- 66 Ye nayantīdha yānehi mātā-pitu-guru-jane ||  
vimāna-cārino Yakkhā te honti sukha-saṃyuttā ||
- 67 Taṇhā-macchera-dosena pecca petāsubhehi tu(m)  
yakkhādāyo kiliṭṭhehi tasmā tam parivajjaye || ||

(§ 3. *Asura*).

- 68 Saṭho māyāviko niccam carate n-aññapapako ||  
kalippiyo padātā ca so bhavaty-Asurissaro || ||
- 69 Tāvatiṃsesu devesu Vepacittāsurā gatā ||  
Kālakanjāsurā nāma gatā petesu sangaham || ||

Peta-kaṇḍam tatiyam || ||

#### IV. MANUSSA-KANDAM.

- 70 Devāsuramanussesu hiṃsāyappāyuko naro ||  
dīghāyuko tv-ahiṃsāya tasmā hiṃsā vivajjaye || ||
- 71 Kuṭṭha-kkhaya-jar-ummādā ye[ca]ññe rogā pāṇinam ||  
vadha-tālana-bandhehi honti ha tesu jantusu || ||
- 72 Hārako yo paratthānam na ca kiñci payacchatī ||  
mahatā viriyenāpi dhanam so nādhigacchati || ||
- 73 Adinnaṃ dhanam ādāya dānāni ca dadāti yo ||  
so pecca dhanavā hutvā puna jāyati nidhano || ||
- 74 Na hārako na dātā yo na h-atikapaṇo janō ||  
kicchena mahatā dabbam thiram so labhate dhuvam || ||
- 75 Hārako na paratthānam cāgavā vītamaccharo ||  
ahāriyam bahu vittam iddham so labhate naro || ||
- 76 Āyu-vanṇa-bal-upeto dhīmā roga-vivajjito ||  
sukhī pajāyate niccam yo dadāti ha bhojanam || ||
- 77 Salajjo rūpavā hoti suchāyo janatāpiyo ||  
so bhave vatthalabhī ca yo vatthāni payacchatī || ||

- 78 Āvāsam̄ yo dadāti ha vippasannena cetasa ||  
pasādā sabbakāmīddhā jāyante tassa dehino || ||
- 79 Sañkamopāhanādīni ye payacchanti mānavā ||  
bhavanti sukhino niccam̄ labhante yānaṁ uttamam̄ || ||
- 80 Papā-kūpa-talākāni kārayitvā jalāsaye ||  
sukhino vītasantāpā nippipāsā bhavanti te || ||
- 81 Puppheli pūjito niccam̄ samiddho sirimā bhave ||  
saraṇam sabbadehinam̄ ārāmam̄ yo payacchati || ||
- 82 Vījjādānena pañdiccam̄ paññā-vyāsenā labhate ||  
bhesajjābhayadānena rogamutto tu jāyate || ||
- 83 Cakkhumā dīpadānena vālādānena sussaro ||  
sayanāsanadānena sukham̄ labhati mānavo || ||
- 84 Gavādiṁ yo dadāti ha bhojjam̄ khīrādi-saṁyuttam̄ ||  
balavā vaṇṇavā bhogī hoti dīghāyuko ca so || ||
- 85 Kaññā-dānena kāmānaṁ labhī ca parivāravā ||  
dhana-dhañña-samiddho tu bhūmi-dānena jāyate || ||
- 86 Pattaṁ puppham̄ phalam̄ toyam atthāpi vāhanam̄ piyam̄ ||  
yam̄ yam̄ yattheccitaṁ bhatya[m̄] dātabbam̄ tam̄ ta-  
datthinā || ||
- 87 Kesayitvā dadāti ha saggattham̄ vā bhayena vā ||  
yasattham̄ vā sukhattham̄ vā kiliṭṭham̄ so phalam̄ labhe || ||
- 88 Sakattha-nirapekkhena dayā-yuttena cetasā ||  
parattham̄ deti yo so yam̄ akiliṭṭham̄ phalam̄ labhe || ||
- 89 Yam̄ kiñci dīyate-ññassa yathā kālam̄ yathā vidhi ||  
tena tena pakāreṇa tam̄ sabbam̄ upatiṭṭhati || ||
- 90 Pare abādhayitvānā sayam̄ kāle yathecchitaṁ ||  
akesayitvā databbam̄ tam̄ hi dharmāvirodhitaṁ || ||
- 91 Evam pi diyamānassa dānass-eva phal-ubbhavo ||  
dānam̄ sabbasukhānam̄ hi paramam̄ kāraṇam̄ mataṁ || ||
- 92 Virato yo paradārehi dāre so sundare labhe ||  
snehappadesakālādi vajjanto puriso bhave || ||
- 93 Paradāresu saṁsaṭṭham̄ yo na vāreti mānasam̄ ||

- sārakkhati c-anaṅgesu nārittam yāti so pumā || ||
- 94 Yā jīgucchati narattam susīlā mandarāginī ||  
niccam pattheti pumbhāvam sā nārī narattam vaje || ||
- 95 Yo tu sammā nivātaṅkam brahma-carīyam nivesati ||  
tejassī suguṇo bhogī devehi pi sampūjito || ||
- 96 Dalhassati asammūlho virato majjapānato ||  
jāyate saccavādī ca yasassī sukha-samyutto || ||
- 97 Bhinnānam api sattānam bhedan-n-eva karoti yo ||  
abhejja-parivāro so jāyate thira-mānaso || ||
- 98 Āṇattim kuruto niccam gurunam haṭṭha-mānaso ||  
hitāhitābhidhāyī ca so ādeyya-vacano bhave || ||
- 99 Nīcā parāvamānena vipallāsenā t-unnatā ||  
bharanti sukhino datvā sukhām dukkham ca dukkhino || ||
- 100 Paravambhanabhiratā saṭhā h-asaccavādino ||  
khujjavāmanattam yanti ye ca rūpābhimānino || ||
- 101 Jaṭo vijjāsu macchero bhave mūgo piyāppiyo ||  
jāyate badhiro mūlho hitavākyabbhusūyako || ||
- 102 Dukkham pāpassa puññassa sukhām missassa missakam ||  
ñeyyam sadisanissandam kammānam sakalam phalaṇ || ||

Manussa-kaṇḍam catuttham || ||

## V. DEVA-KANDAM

\$ 1.

- 103 N-ev-attano sukhāpekkhī na ca haṭṭho pariggahe ||  
gahānam pamukho vāyam Mahārājikataṁ vaje || ||
- 104 Mātā-pitu-kulejetṭha-pūjako cāgavā khamī ||  
tussati yo na kalahe Tāvatimsesu so bhave || ||
- 105 Na vigāhe ratā n-eva kalahe haṭṭhamānasā ||  
ekanta-kusale yuttā ye te Yāmopagā narā || ||

- 106 Bahussutā dhammadharā supaññā mokkhakañkhino ||  
guṇehi parituṭṭhā ye narā te Tussitopagā || ||
- 107 Sīlappadānavinaye pavattā ye sayam narā ||  
mahussāhā ca te vassam (sic) Nimmānarati-gāmino || ||
- 108 Alīnamānasā sattā padāna-dama-saññame ||  
guṇādhikā ca honti te Parinimmittavattino || ||
- 109 Sīlena Tidivam yāti jhānena Brahma-sampadam ||  
yathābhūta-pariññānam Nibbānam adhigacchati || ||

\$ 2.

- 110 Subhāsubham kammaphalam mayeta[m] kathitaṁ phalam  
||  
subhen-eva sukham yāti dukkhañ cāsubhasambhavaṁ || ||
- 111 Maccu-roga-jarā tv-eva cintanīyaṁ idam tayaṁ ||  
vippayogo piyehāsi kammano tassa tam phalam || ||
- 112 Pappoty-evaṁ virāgaṁ yo viratto puññaṁ icchatī ||  
pāpañ ca vajjayaty-evaṁ tam suṇātha samāsato || ||
- 113 Sammāparatthakaraṇam parānattha-vivajjanam ||  
puñña-pāpa-vipallāso vuttam etam mahesinā ||
- 114 Devā c-eva manussā ca tisso pāpā yā bhūmiyo ||  
gatiyo pañca nidiṭṭhā buddhen-eva tayo bhavā || ||

Deva-kaṇḍam pañcamam || ||

Pañca-gati-dīpana[m] samattam || ||

---

Prepared by: Gansanta Bhikkhu, ITBMU, Yangon, Myanmar  
Date: 2022, Aug 06, Saturday

Source: Pali Text Society Journal JPTS\_1884\_I.pdf, page 152-161.

weblink:

[http://www.palitext.com/JPTS\\_scans/JPTS\\_1884\\_I.pdf](http://www.palitext.com/JPTS_scans/JPTS_1884_I.pdf)

This has been done with an intent to share and propagate the rare pali books online for research and educational purpose.

To resolve any kind of copyright related issue regarding this compilation, please, contact me at [schakma94@gmail.com](mailto:schakma94@gmail.com).